

欽定剿平三省邪匪方略

欽定剿平三省邪匪方略正編卷七十一

戊午年

四月十九日

癸丑

勒保惠齡奏言王三槐等大駭

賊匪前經

臣

等統兵由巴州之蓋茶寺等處逼

至九節梁疊次痛殲匪衆不能竄渡巴河復從

李家山一路奔遁正在督兵進發間隨據探報

李家山之西黃柏溪一帶有賊放火焚掠而北

面大元山之左路徑紛岐亦有賊匪翻山竄逸

體察賊蹤自係分路潰逃計圖牽綴並查大元  
山一路可達蒼溪廣元緊接陝境當派總兵百  
祥帶領兵勇由黃栢溪搜剿而進杜其旁竄派  
令富成七十五穆維等帶兵由萬寧寨抄出大  
元山之前迎頭截擊臣等卽從李家山正路進  
發二十八日百祥行抵黃栢溪正遇賊匪數千  
在彼焚掠該鎮趕到力加殲殺賊匪立時驚潰

亦向大元山一面奪路而去富成等一路官兵  
於二十九日午刻至萬寧寨匪衆俱屯紮對面  
大元山梁並分隊攻圍萬寧寨寨內團聚之難  
民鄉勇勢在危急副將朱延清帶領官兵首先  
馳抵該處衝入賊隊鎗箭並發賊匪措手不及  
殲戮極多其屯聚賊匪卽從山梁施放鎗礮與  
我兵抗拒富成七十五分兵兩路奮勇進攻並

令穆維於萬寧寨山巔用礮轟擊

臣

等督率大

隊一鼓並進賊衆首尾不能相顧均由山後奪

路奔竄我兵乘勝追殺直至楊家壩沿途殺賊

不可勝計生擒江添馥等一百三十八名朱延

清先在萬寧寨身受矛傷仍復騎馬殺賊奮不

顧身進至楊家壩又中賊鎗殞命實爲可惜初

一日丑刻大兵跟蹤進發復追及於龍山場地

方賊匪正在搗糧造飯我兵出其不意四面攻圍斬獲男婦二千餘名其附近山溝樹林屯紮之賊皆慌急四竄直至風占觀復分兩路一由路通蒼溪之壩場一由路通閬中之李子觀紛紛竄去臣等連夜趕至風占觀偵探確實亦卽分兵競進初三日卯刻臣勒保督率富成穆維等進抵李子觀探報賊匪適屯踞千佛岩我兵

一到卽攀援直上奮力撲壓與賊攪殺殲斃一  
千五六百名生擒陳金瓏等二百六十七名內  
有大頭目冉文諤鄭榮先二名小頭目李如吉  
等七名奪獲賊礮三個旗幟刀矛牛馬無算餘  
匪均由竹林場翻山折向蒲垵場茨菇頂一帶  
大山奔逸臣惠齡同明興七十五由草壩場一  
路進剿賊匪沿途設伏詭譎異常進至七里壩

賊匪均竄聚於深林密箐施放鎗礮與官兵抵禦適百祥由文昌宮帶兵迎至彼此夾攻自辰至未斃賊一千餘名生擒向廷耀等一百十三名餘賊復由大樹壩石渠子一帶折竄高家山與茨菇頂賊匪聯絡屯聚臣等研訊獲犯冉文諤係冉文儁之弟僞稱四元帥鄭榮先係在陝省沿河首先起事上年同齊王氏到川勾合川



匪查該二犯傳教年久夥黨衆多實爲著名賊  
口當將該二犯及餘匪分別凌遲正法各路官  
兵內陣亡叅將魏攀舉守備秦恒把總卓應瑞  
蔣應禮四員查茨菇頂一帶與羅其清屯紮之  
孫家梁相去不遠該首逆等被剿情急自必歸  
併一處冀圖抗拒臣等一面知會恒瑞先將梁  
後石廟子王家寨等處緊要卡隘嚴密堵截

面整頓兵力設法進攻

卞保又奏言此次分兵進剿將各股賊匪從蒼溪閬中一帶設法截回儀隴縣境研訊獲賊命供王三槐徐添德冉文儔羅其清冷添祿等均在一處卽楚匪樊人傑亦未逃出川境並據賊目鄭榮先供樊人傑之外尚有襄陽人王光祖亦係著名首逆現與冉文儔等合夥滋擾惟阮

掌櫃一股前經官兵在通江縣屬之東峪溝痛  
加截殺卽尾隨齊王氏入陝陝省節次所奏之  
阮正通卽係此股賊匪至於德楞泰所稱川省  
首逆冉文儔冷添祿等在五郎鎮安山陽等處  
宜綿前奏王三槐一起接踵赴陝皆係接據探  
報之詞並非確實又如張漢潮一起宜綿前奏  
已入陝省逼之與安而張廷彥獲賊訊供復稱

欲由巫山入楚頃據山有成稟報又稱折回川  
省之通江豈有一人而同時在各省滋擾之理  
推原其故皆係剿散餘匪假托首逆名色以訛  
傳訛奏報互異臣現因通江太平一帶沿邊地  
方遼濶此種剿散賊匪本未肅清卽西鄉通江  
接壤之三花灘鐵溪河等處均有零星賊匪往  
來遊奕飛飭該地方官招集鄉勇設法堵禦並

令駐劄太平之原任總兵楊秀與駐劄西鄉之  
署總兵田有成等在川陝邊境隨時偵探賊蹤  
互相截擊斷不敢任令竄逸出境卽爲卸責地  
步至林亮功一股現仍佔據開縣所屬之開州

坪臣節次嚴飭六十七富森布等設法進剿雖

未能卽就殲除亦不致乘間遠竄一俟王三槐  
等大夥賊匪就擒卽移兵剿辦則川東一路自

不難尅日肅清

同日秦承恩奏言高均德李全阮正通各股賊  
匪前經各路大兵在東北兩面兜擊仍由西南  
折回漢陰石泉一帶宜綿興肇柯藩與德榜秦  
明亮額勒登保等分投圍剿屢得勝仗

臣恐賊

匪被剿緊急不能南趨必致翻山北竄當與王  
文雄帶領兵勇由東而西繞出子午峪相機堵

剿並令永德帶領山西兵丁由寶雞取道入山  
迎擊茲據各縣稟報賊匪阮正通等已竄至城  
固之范家坪楊家莊等處可通北棧之路甚多  
翻山而走並可直達寶雞郿縣永德處兵力尙  
單不敷分布此時西安鳳翔等屬二麥正在成  
熟旬日內即可收穫而興安漢口一帶俱屢遭  
蹂躪之地且所種多係秋禾誠恐賊匪無可掠

食潛出鳳寶一帶偷生割麥臣與王文準臣由

子午峪馳往郿縣一帶探蹤截剿顧住北路俟

二麥收割後如果賊已南竄北路可以無虞臣

等卽馳赴漢中與宜綿兩路堵剿

同日姜晟奏言臣接准景安咨稱川匪竄至湖

北當陽縣屬河溶地方距荆郡僅數十里現由

荆門一帶進剿兵力無多擬於湖南附近荆州



營分抽調兵二千名由水路前赴以資調遣查  
湖南官兵除苗疆額設及留防各兵並上年調  
赴五百名駐守鄖陽外其附近荊州營分存兵  
本不甚多且界連湖北等處地方亦須加意巡

防臣與提臣王柄熟商卽於臣等本標營分暨

通省各營協存兵內奏調如數遴派妥幹將備  
帶往並飭沿途各地方官備辦船隻迅速饋行

業已陸續起程至湖南餘存軍火等項留貯常德者尚多臣亦飭令地方文武星卽運濟均奏

八

上命軍機大臣傳諭勒保宜綿德楞泰景安姜晟曰勒保督兵在西黃柏溪大元山及李子觀千佛岩等處殲賊四千六百餘名生擒五百餘名拏獲大小賊目七名所辦尚好該匪等現向茨菇頂一帶

逃竄與羅其清相去不遠勒保已咨令恒瑞等將  
孫家梁後路卡隘嚴堵該督卽設法進攻所見亦  
有把握此時黔兵五千名自己先到勒保等尤當  
乘此新兵銳氣鼓勇進剿此次陣亡之副將宋延  
清等俱著咨部加等議卹至所奏川陝各股首逆  
分竄情形賊匪被剿緊急恐官兵指名搜捕互相  
影射亦有虛張名號以爲恐嚇鄉民之計地方官

不察虛實率意稟報而領兵大臣等亦卽據以入告以致彼此不符前經降旨飭諭勒保等惟當無分畛域上緊剿辦不論各首逆在何股賊內卽探蹤緊躡擒一首逆卽少一股附從之人不得驅逐出境遂爲了事以隣國爲壑也又據秦承恩奏稱阮正迺一股竄至固城恐其直趨寶雞郿縣該撫與王文雄由子午峪馳往截剿仍不過防堵情

形其高均德李全阮正通是否歸併一處亦未聲  
敘明晰著傳旨嚴行申飭至高均德一股前據宜  
綿奏已折竄鎮安而李全阮正通一股由紫陽石  
泉東竄兩股賊匪自己合夥宜綿德楞泰等正當  
兜圍夾擊何以復任竄至城固一帶宜綿德楞泰  
與肇明亮額勒登保柯藩俱著傳旨嚴行申飭至  
湖北竄匪前經景安從宜城抄擊後賊向西竄勢

已潰敗現據姜晟奏已於通省各營協派兵二千  
名起程不日即可趕到景安得此兵力更可乘銳  
進擊務將賊首劉成棟張漢潮等擒獲肅清楚境

二十一日

乙卯

宜綿德楞泰明亮額勒登保奏言

臣

德楞泰等在秦嶺截回高均德股匪不令竄

向華州渭南等處賊遂南竄商州鎮安一帶俱  
由深林密箐行走當經分兵抄擊連日斬獲約

計一千餘人賊匪晝夜狂奔西向五郎窰逸

臣

額勒登保同綸布春長春前往江口截其北入

西安之路

臣

德楞泰同阿哈保温春等由小仁

河四海坪緊躡賊蹤

臣

明亮等由大仁河馳向

長坪夾擊行抵半途忽有另股賊匪望北奔竄

正在過河因急磨兵趕殺鎗礮齊放擊斃七百

餘人淹斃者亦復不少賊遂折回穆王坪其時

高均德等賊匪經臣額勒登保等追擊沿途又

斬獲四百餘人捨命奔逃正抵該處遂與合夥

南奔漢陰界內據獲犯供稱此起賊匪係李全

張添倫二股一從賈家營竄來一從孝義廳竄

來本欲由大仁河向鎮安北竄被官兵截住想

從漢陰石泉過江到西鄉或由漢中搶渡岫川

與王三槐等合夥等語當將該犯正法臣等查



阮正通一股賊匪現在洋縣石泉之間與肇柯  
藩在洋縣堵截兵力尚單今高均德等與李全  
張添倫合夥人數已不爲少若再與阮正通合  
夥全力衝出勢難抵禦必須繞道截其合併之

路臣德楞泰遂帶兵由王家莊臣明亮由觀音

河臣額勒登保由小石門趕至泰山廟迎截賊

匪知各路有兵不敢西去遂折回漢陰之鳳凰

山梅子舖一帶林箐深密處藏匿

臣

宜綿先由

越嶺關督同關騰烏爾圖那遜等馳抵該處賊

匪見我兵止有一千餘人竟敢直撲前來關騰

等率兵衝擊自午至未斃賊四百餘名生擒戴

文臣等十三名搶獲劈山礮四位烏鎗四十餘

桿

臣

德楞泰明亮額勒登保等亦帶兵趕至兩

面夾擊又殺賊八百餘人時已昏暮賊匪乘夜

竄入山溝老林扒內未便窮追臣等隨合兵一

處細加商酌查得漢陰爲賊匪往來之衝臣宜

綿督同明亮帶兵二千名卽在漢陰山內搜剿

並策應東西兩路臣德楞泰由興安大道馳赴

老樹嘴山口迎頭截殺臣額勒登保由北山古

木嶺二郎廟一帶抄擊務期擒拿首逆至阮正

通等賊匪經興平柯藩等帶兵兼程趕抵洋縣

抄出賊前遏其去路擒斬多人遂退回洋縣東  
北之槐樹關屯紮臣宜綽復派總兵長春帶兵  
千名前赴木梓河與興肇柯藩夾擊

宜綽又奏言查漢江發源於寧羌州之大安驛  
涓涓細流僅如溝澗卽雨後水漲頃刻卽消皆  
可褰裳而涉至漢中府西三十里之長寨地方  
合北來之褒水而始成河然距發源處不過二

百餘里夏秋大雨時行山水漲發始用船渡冬  
春水涸灘淺處處可涉自漢中以至紫陽皆然  
非若興安以東之江澗水深必須船渡者可比  
自高均德齊王氏李全等先後偷渡興肇柯藩  
帶兵追剿漢江南岸僅有田有成帶兵六百名  
堵禦北岸遂無一兵鄉勇更不足恃地方官一  
聞賊至惟知保守城池無暇兼顧江岸以致二

月二十二日阮正通一敗又從金花寺偷渡臣

於二月二十七日由川回抵寧羌卽聞阮正通

渡江之信又聞青石關尚有賊匪竄至晝夜馳

至長寨果見賊匪前隊數百人窺伺渡江經臣

派索費英阿等先後夾擊殲戮殆盡其青石關

之賊亦聞風遁去臣遂至青石關一帶沿途巡

視卡隘見毛狗洞等處有險可守較之防江尤

爲緊要

臣

帶兵無多不能留防因飭諭義首示

以方畧令各帶鄉勇分布防守責令道員文需

往來巡查

臣

遂馳至興安而張漢潮一股已在

西鄉滋擾查西鄉在漢江之南三面毗連川境

經秦承恩前派田有成在波防堵兵力尙單僅

能固守堰口保護西鄉賊匪遂趨東去欲由石

泉之漢王坪梅湖渡江經

臣

派關騰白爾圖那

遜等帶兵趕至半渡截殺賊始退回西鄉又經  
田有成及知縣張泰亨等帶領兵勇在九渡坪  
等處連次截殺逐回川境是興肇柯藩撤防追  
賊之後惟有阮正通一股乘虛入陝該匪現由  
鎮安五郡繞至漢陰石泉若使之復回川省亦  
屬不成事體現在漢江水漲賊匪雖不能飛渡  
而沔縣寧羌一帶無江可截臣恐其竄入南棧



滋擾廣元保寧一路已飭文牒多招剡勇於漢  
中迤西多立營寨虛張聲勢又咨興肇柯藩繞  
道趕赴洋縣迎頭截殺迨興肇柯藩趕至洋縣  
賊匪又折回東竄而五郎又有一股賊匪出擾  
漢陰石泉與之合夥自係高均德李全各夥賊  
匪臣現在越嶺關督率關騰烏爾圖那遜等東  
面迎截飛咨興肇柯藩帶兵西面追擊若額勒

登保德楞泰明亮等跟蹤追剿由五郎自北而  
至三面夾攻南面又有漢江阻隔賊匪自不能

竄逸

同日景安高杞奏言賊匪自白雲山剿敗後由  
武堰鉤竄向東北經官兵抄至宜城迎截折入  
西面丁家集吳家集等處臣等察其情勢總思  
偷渡江北其暫時竄避入山明欲將官兵誘入

山中彼得乘間繞出江岸且查西面山徑可達  
襄陽之路甚多是向西追剿不若由東北抄擊  
因自太平崗取道小河口歐家廟繞前兜截初  
十日午刻行抵鐵佛寺地方接據探報賊從七  
里店北竄勢將窺伺襄郡臣等一面派員安撫  
百姓一面察看地勢分率將弁兵丁搶上九宮  
山迎剿賊人果蜂擁前來官兵施放連環并用

大破轟擊賊匪撲上三次官兵分爲兩翼自上

壓下賊始翻山西遁前竄茨河該處爲臨江一

大鎮市倘被焚擾即可乘勢渡江飛率兵丁趕

緊進發十一日未刻官兵甫抵茨河賊之前探

亦已繞及隨即折回南竄臣等連夜進追至烏

蛇嶺賊人大隊尙在嶺下屯紮時天色未明臣

等令各兵先匿林內候黎明時出其不意陡然

下擊殺賊三百餘名生擒吳連貴等三十一名

賊人越嶺翻山未遑及顧官兵進至雙河店賊

人分爲兩股牽制我兵臣景安督同副將廣福

遊擊曹星守備賈慶檀等帶馬步兵一千名追

剿竄入七里山一股臣高杞督同叅將董寧川

遊擊孫效前守備宋吉典等帶馬步兵一千名

追剿竄向石門老虎溝一股沿途殺賊百餘名

賊人曲折奔逸至南漳縣白馬山竄合一處

臣

等亦先後於尖山會合稍息兵力當將獲犯研

訊據供賊人總要渡江往河南陝西昨日原想

奔到襄陽擄掠食物官兵必齊去守城便可搶

船渡江不料走到九宮山被官兵攔住一直追

下傷斃數百人等語當將各犯正法梟示查賊

匪現竄南漳地境如一經南竄卽爲興山遠安

等縣係賊匪初入楚時曾經蹂躪之地

臣

等當

率兵由北面兜剿前進如該匪折竄東南當察其所向相機從東北面進擊若南竄荊州爲東南要地已令海興阿帶領收集原兵馳回荊州率領在城滿兵實力防範又恐賊蹤無定東北江岸雖有張文奇山永桐完顏岱等分帶兵勇防堵尙恐不能周顧復添派臬司張長庚道員

胡齊嵩協力巡防南岸船隻提禁北岸又思賊  
匪裴糧入夥之人皆迫於逼脅臣等廣張告示  
諭以投出不但免死且得邀

恩並訪得賊人凡有裹脅入夥者俱將髮辮剪去以  
絕其歸路向來地方官不察拿獲時輒目爲匪  
徒不加省宥臣等得其情節遇有拿獲訊係被  
裹入夥者卽予省釋並合復入賊營通告被裹



之人勸其及早投出日來投營者漸多亦足以  
稍分賊勢再查張漢潮一股賊匪自川入楚人  
數原有萬餘加以沿途裹脅不下二萬餘衆兼  
之詭譎異常往往東擊西奔有時大夥合併有  
時分股四逸必須分兵數路兜剿夾攻今計楚  
省現有兵力及帶兵將領等如張廷彥人甚委  
靡業經據實劾奏令赴沙洋江岸防堵其原帶

兵丁收集祇有千餘名經<sub>臣</sub>等傳集到營面加

激勵該兵丁不特不明紀律甚至不曉放鎗似  
此技藝生疎之兵尙須操練方克臨陣至文圖

海興阿原帶之兵本屬單弱現在收集均祇一

二百名皆不足恃而文圖鎗傷復作尙在安陸

調治海興阿因荊州緊要已令其帶兵馳回荆

郡此時惟恃有<sub>臣</sub>等一路官兵統計二千餘名

不敷分撥至附近荊州營分兵丁多有出征川  
陝及分防邊界者再難抽調南省兵丁已酌調  
二千名因須各營抽派至今尙未趕到此時欲  
酌調官兵非相離較遠緩不濟急卽同在隨征  
難以抽撥惟查王文雄會同秦承恩帶兵四千  
名現在秦嶺防堵聞陝省賊匪高均德李全阮  
正通各股業經合營屢經剿殺人數無多又有

宜綿德楞泰明亮興肇柯藩等帶領勁旅及滿漢屯十各兵分投剿辦自可無虞肆竄其秦嶺防堵事宜有秦承恩帶兵二千駐紮似已足資守禦其王文雄原帶之河南兵一千名山東山西兵各五百名似尚可抽調來楚且該兵丁上年在豫隨臣景安防堵邊界曾經日加訓練若令王文雄帶領來楚協同進剿調派更覺得宜

均奏入

上命軍機大臣傳諭勒保宜綿德楞泰景安秦承恩  
曰高均德股匪前經官兵在秦嶺截回南竄鎮安  
一帶勢已窮蹙此次德楞泰等分股截擊殺賊無  
多復任高均德與另股賊匪李全張添倫合夥折  
回漢陰之鳳凰山一帶伊等所辦何事宜綿德楞  
泰明亮額勒登保俱著傳旨嚴行申飭至阮正通

等一股由石泉洋縣一帶西竄興肇柯藩等帶兵  
截剿又有秦承恩等在子午峪迎擊正可兩面夾  
攻乃爲日已久迄未將首逆拿獲亦屬庸懦無能  
興肇秦承恩王文雄柯藩均著傳旨嚴行申飭又  
據宜綿奏防堵漢江情形殊不明晰漢江南北兩  
岸雖防兵無多但現交夏令雨水時行山水漲發  
賊匪自不能涉淺偷渡前次阮正通一股越渡繞

至漢陰防江各員已難辭疎縱之咎此時高均德  
李全等被剿緊急難保其不又折竄漢中翼圖搶  
渡回川宜綿務須嚴飭田有成文霈等督率地方  
兵勇嚴密防堵至景安等在九宮山茨河等處剿  
殺賊匪以少勝多深爲可嘉惟兵力較單不敷圍  
剿前已令額勒登保酌帶勁兵赴楚協剿今據宜  
綿等奏德楞泰明亮額勒登保俱在漢陰一帶會

剿是此一路帶兵大員較多如可無須額勒登保  
在彼卽令速赴楚省幫剿其所奏令王文雄將原  
帶之河南及山東山西兵酌量抽調帶領赴楚亦  
著王文雄酌量情形如能分身前往固屬甚善倘  
陝境尙難遠離或酌派將領帶兵赴楚以資協剿  
景安等務須先就現有兵力相機進剿不可坐待  
再據奏賊營裏脅之人俱將髮辮剪去以絕其歸



路景安等遇此等難民，俱予省釋。所見甚是。賊匪迫脅民人，剪去髮辮，若概行查拿，轉墮賊匪狡計。各路帶兵大員，俱當仿照景安辦法，臨陣宣諭，准其投出，並著勒保宜綿、秦承恩，飭知地方官一體出示曉諭，使脅從之人爭先投出，亦可解散賊黨。於事實爲有益。

二十七日

辛酉

觀成劉君輔奏言老木園賊匪屢

經官兵奪隘攻堅嚴密佈置曉夜梭巡趁勢掩  
擊自三月十五日後攻圍愈緊賊匪慌亂益甚  
首逆陳崇德驅迫醜類節次衝撲營卡冀圖奪  
路奔逃勾結外匪實爲狡惡臣劉君輔從鹿塘  
溪布置堵禦星速回營二十三日三更有賊匪  
二百餘人分爲兩股一股從頭道岩爬越下坡  
偷撲守備劉順把總達貫魁卡隘一股由箐林

東山坡偷撲外委米廣卡隘官兵施放鎗礮悉力抵拒賊匪搗鼓催陣連次捨命搶撲劉順率兵出卡奮擊把總尹大雄外委萬占魁均經受傷維時遊擊愛隆阿千總張國棟聞聲接應兩面夾擊斃賊三十餘名帶箭中鎗者甚多旋即竄退二十六七八九等夜東面之龍溪馬鬃嶺南面之羊毛澗石梯子及新紫之茶園嘴土地

堙等處均有賊匪乘霧雨昏黑拚命衝撲經遊擊楊從新都司沈文同暨把總曾大用外委曹易新率領兵勇扣準連環以待候賊匪撲攏卽用轟擊乘勝追壓節次殲賊多名因思賊人每夜東突西衝其巢穴自必空虛正可乘機襲擊而木克堙三道堙係咽喉路徑地勢險削當於初八日四鼓督率叅將呂朝龍遊擊朱進廷守

備劉正麟虎正林帶領兵勇七百名分爲兩路  
攜帶繩梯鐵爪攀林越坎灑迤而上外委高星  
文首先搶上賊卡拋擲火彈賊匪驚慌抵禦我  
兵人人奮怒與賊攪殺一處斃賊四十餘名生  
擒三名將兩處賊卡悉行焚燬賊衆聞要隘已  
失推故木石從上壓下經臣等激勵弁兵悉力  
仰攻賊始竄退當卽扼要紮住據獲賊會六才等

供稱現在山上糧食已盡每日刨挖野菜竹筴  
度日亦屬有限陳崇德向衆人商議總要捨命  
衝出與外間夥黨會合等語當將該犯等梟示

臣等曠日稽延負疚已深惟有乘此賊匪垂盡

之時儘力兜擒尅日進搗賊巢生縛首逆以贖  
罪愆其雲陽竄匪擾及大寧之鹿塘溪經臣等

陸續抽派兵勇八百名前往堵截茲因圍剿老

木園賊匪正關緊要隨即撤回兵勇四百名恐  
堵禦不敷復飭叅將胡尙賢知縣鍾蓮添募鄉  
勇三百名於金竹坪雙澄觀漆樹埡聯絡布置  
實力防堵自可不致竄合奏入

上命軍機大臣傳諭勒保曰觀成等所奏俱屬空言  
仍不過敷衍塞責毫無振作前將觀成劉君輔具  
行黜革實爲罰當其罪並已令勒保派富成前生

督剿此時諒可到彼富成打仗素稱勇往且已擢授將軍尤當倍加奮勉速行擒渠賊事其觀成劉君輔如何玩誤遲延之處仍著勒保據實叅奏

二十九日

癸亥

秦承恩奏言

臣

前因李全阮三通

二股竄至城固褒城境內當令承德帶領山西

兵丁馳赴寶雞

臣

與王文雄移營郿縣相機迎

剿一面飛飭該地方官及西路各卡隘嚴密堵



禦茲據漢興道文需等稟報賊匪李全等竄至  
褒城雞頭關經署知縣汪銓州判張聖佑把總  
劉世勲等設伏截擊賊匪向南竄逸復經文需  
同署副將瑪靈阿知縣何振權千總嚴登魁等  
帶領兵勇在景家塘長寨等處連次截擊殲斃  
五百餘人賊隨竄至沔縣黃沙驛搶掠號馬署  
知縣李乘鉞聞信率同紳士鄉勇趕至何家營

扼要攔截鎗斃賊匪多名並騎馬賊目一名將  
號馬全數奪回武生劉全龍撲入賊隊衝殺受  
傷陣亡適與肇柯藩帶兵由新街趕到將賊匪  
驅至江邊痛加剿殺賊遂西淺過江四散逃竄  
又經知縣何振權督率鄉勇在牟家壩據險邀  
擊斃賊一百餘人餘賊俱竄往川省南江境內  
又據差弁探報高均德一股經宜綿德楞泰明

亮額勒登保等在漢陰地方痛剿復向北折竄  
孝義之川河口五郎之江河等處距長安鄠縣  
盤屋均屬切近並可繞出寶雞現在德樸秦跟  
蹤兜剿查西安鳳翔各屬二麥俱已成熟誠恐  
賊匪被追緊急乘間竄出平地以致農民畏避  
收穫失時或被賊搶割於民食大有關係已飛  
飭各卡隘實力堵禦並札會永德在寶雞總要

隘口嚴防西路相機迎剿臣與王文雄卽由郟

縣帶兵馳回整屋一帶探蹤截擊再接准景安

高杞咨會業經奏請令王文雄將河南山西山

東兵二千名帶赴楚省協剿查臣與王文雄原

共帶兵三千二百名除派守夾嶺秦嶺各兵三

百名實止有兵二千六百名其山西續調兵二

千名已令承德帶赴寶雞入山堵剿兼護棧道

現在高均德一股復由興安折回孝義五郎境  
內北與長安鄠縣蓋屋相距各止數十里西可  
繞出寶雞兩路均須嚴備竊思關中元氣原在  
秦川前次逆匪李全竄出鄠縣不及一旬其蹂  
躪搶掠之重十倍山中經臣與王文雄自商州  
兼程趕到連次合兵痛剿始得逼令入山月餘  
以來賊匪不敢擾及平地今若令王文雄帶兵

赴楚則臣僅有兵六百名北路空虛所關非細

景安等發摺時止知賊衆盡在興漢臆料北路無須設備又恐與肇額勒登保未能卽日赴楚故有此奏今賊匪漸近蓋鄂陝省北路萬難撤兵而興肇已自漢中馳赴楚省額勒登保亦由鎮安取道興安前往有此兩路勁兵加之景安所調湖南兵二千名聲威已壯無難剿辦所有

王文雄之兵應請無庸調赴楚省以免顧彼失

此之虞且就陝省大局而論賊在南山臣等必

石專顧北路自褒城至雒南計長一千三四百

里峪口百餘處王文雄固難驟離卽高均德一

暇辦盡德楞泰等帶兵赴川臣與宜綿白當分

駐漢中與安防堵查自寧羌至白河界連川楚

計長一千七八百里隘口更多留此二千兵力

尙恐不敷派撥亦不便合王文雄帶兵赴楚非  
敢稍存畛域之見也

同日勒保惠齡奏言查王三槐徐添德冉文儔  
等大夥賊匪自經官兵節次痛剿折向儀隴之  
茨菇頂高家山一帶冀與羅其清合夥抗拒

臣

等一面知會恒瑞設法堵截一面督兵進發初  
七日馳抵石家山地方維時恒瑞預派總兵富



爾賽朱射斗等帶兵從官子場一帶探蹤截剿  
恒瑞帶領總兵觀祥副將凝德等在窩堂廟地  
方以斷孫家梁賊匪接應之路初九日富爾賽  
朱射斗等進抵石埡子適茨菇頂屯聚賊匪卽  
有向孫家梁一路奔竄者該鎮等鼓勵兵勇截  
擊數次斃賊百餘名賊衆皆退是日孫家梁賊  
匪亦分股而出互相接應衝突十餘次均經恒

瑞督兵截回未任竄合次日該首逆等復率領  
匪衆齊撲富爾賽朱射斗等兵勇營盤正在接  
仗臣等從石家山一路趕到當令富成七十五  
分兵前進與富爾賽朱射斗等兩面夾擊殲戮  
極多十一日至馬鞍山賊匪屯紮未定我兵奮  
勇搶上復斃賊一千餘名餘衆連夜分股奔竄  
叅將王溶守備田啟華均受傷陣亡當卽偵探

賊蹤有由老林場貴富驛一路赴渠縣交界者  
有由天池寺一路赴營山交界者並有屯聚於  
孫家梁附近之趙家山羊通廟李華寺一帶者

臣等察看孫家梁地勢險峻其附近之石洞溝  
毛壩子猴兒坡鯉魚嘴等處俱係一綫羊腸

臣等共同商酌若各路官兵併力先剿羅其清一  
股則該匪有險可守而王三槐等各首逆勢必

乘間遠颺如仍兜擊王三槐等各起賊匪則羅  
其清一股逼近官兵後路實形牽綴當派總兵  
富爾賽副將富森從恒瑞一路就近抽帶兵勇  
先行繞赴渠縣以遏東竄之路並派朱射斗帶  
領兵勇馳赴四面山以防天池寺賊匪擾及營  
山其立山地方爲巴儀接壤要區卽令富成七  
十五帶領官兵迎頭截剿以防北竄通巴又知

會恒瑞帶領官兵仍從鯉魚嘴進攻孫家梁牽  
綴羅其清股匪並於石洞溝猴兒坡兩路分撥  
兵勇以爲聲援臣等督率總兵百祥副將雷仁

叅將穆克登布等竟攻趙家山等處屯聚之賊  
以破其負隅聯絡之勢約定十四日黎明同時

並進是日臣等一路進攻趙家山官兵行至二

道坡地方卽有賊匪搖旗吶喊率衆抵禦我兵

施放鎗礮連環轟擊該匪等潛伏兩旁樹林往  
來抄襲當派副將關聯陞永寧等帶兵力壓又  
令叅將尤漢玉遊擊馬建紀分帶兵勇從左右  
兩面山坡斜衝而入自辰至未殲賊八九百名  
搶過趙家山追至觀音河適值富成七十五等  
兜回立山一股竄匪亦至羊通廟會合前來又  
斃賊無數生擒張大榜等一百七十五名餘衆

退上李華寺屯紮叅將那爾泰受傷陣亡尤漢  
玉馬建紀均受傷不重其朱射斗一路官兵追  
至四面山距天池寺八九里遇賊接仗連次敗  
賊於老木埡黃泥坪地方賊匪不能抵禦旋由  
太蓬一路折竄叅將增順左膝中鎗恒瑞進兵  
之鯉魚嘴一路山溝路逕俱被羅其清挖斷中  
隔深溝賊匪於沿坡安設滾木插石守禦極堅

恒瑞督同觀祥等挑帶奮勇兵弁繞至山溝連  
奪賊卡三座殺賊五百餘名其石洞溝猴兒坡  
兩路林深箐密層層陡崖帶領鄉勇之千總桂  
涵拔援直上首先撲開賊卡一座兵勇乘勢攪  
殺斃賊三四百名桂涵受傷兩處其同帶鄉勇  
之典史楊炳文受傷陣亡相持至晚遂將各路  
兵勇暫行撤退臣等會合富成等一路官兵卽



於高山望一帶駐劄研訊各路獲賊據供王三  
槐徐添德令添祿冉文傳樊人傑等本要上孫  
家梁與羅其清合夥因被官兵截住又想分竄  
巴州營山渠縣暫避官兵追捕不意各路卡子  
都有官兵截擊聽見王三槐等說祇可向渠縣  
一路逃走惟冉文傳一股尙在李華寺後山梁  
紮住等語臣等因羅其清一股賊匪踞守孫家

梁人數衆多地方險峻仰攻不易自應仍囑  
瑞督同朱射斗觀祥等設法牽制另行相機辦  
理惟恒瑞等兵力本屬不敷如與冉文儔互相  
狼狽未免更爲費手是以臣惠齡現在酌帶官

兵躡探路逕進剿冉文儔一股如冉文儔羅其

清勾合抵禦臣惠齡自當知會恒瑞協力進攻

如冉文儔仍復舍此竄逃即可統兵追擊至王

三槐徐添德冷添祿樊人傑等所竄之渠縣一  
路緊要首逆多在其內查前調雲貴官兵其附  
近川省營分者業經陸續入川計算日期頭二  
三起刻下可到廣矣隨飛飭該領兵將備卽從

渠縣一路與富爾賽等會合前進以壯聲勢

臣

勒保卽督率富成七十五明興等帶領官兵星  
馳前進再林亮功等一股賊匪佔踞開州坪地

方該處與雲陽所屬之桐林壩高陽鎮及萬縣  
所屬之分水梁上高坪盤海寺等處在在接壤  
堵禦本屬費力而萬縣爲糧運轉輸總匯尤關  
緊要是以臣節次嚴飭副都統銜六十七總  
兵富森布等設法進攻並另派總兵艾如文抽  
帶兵勇馳赴萬縣一路堵截嗣據該副都統等  
具報本月初六七等日開州坪賊匪分股下山

六十七富森布等卽帶兵勇從貓兒寨地方迎擊賊匪傷斃甚多並生擒李元升等十名餘匪仍折回賊巢屯踞並據署萬縣知縣劉大經署雲陽縣知縣梁敦懷先後稟報因現屆麥豆成熟之時賊匪不時下山搶割均經各卡鄉勇隨時擊退亦有斬獲現仍嚴飭該鎮將等察看機宜上緊籌辦並令各州縣招募鄉勇一律嚴防

總期杜其蔓延之路以爲併力進取之計

勒保又奏言老木園一股賊匪觀成等不能迅  
速辦淨咎實難辭今蒙

皇上將觀成劉君輔黜革擢富成爲將軍卽令前往  
督辦仰見

聖主賞罰嚴明至意惟念老木園賊匪因所踞地勢  
險峻觀成等兵力無多雖未能卽時撲滅而賊

亦未能遠竄他處本應卽令富成趕緊前往第  
現在剿辦王三槐等大夥賊匪正當喫緊之際  
富成驟難分身臣已嚴飭觀成等仍留該處帶  
兵効力速將此股賊匪設法剿盡戴罪立功並  
派駐防開縣之太原鎮總兵德齡馳赴老木園  
會同剿辦均奏入

上命軍機大臣傳諭勒保宜綿德楞泰景安秦承恩

曰李全阮正通二股賊匪本係由川省先後竄入  
陝境今仍復任其折竄回川實屬疎蹤豈將賊驅  
入川境以隣國爲壑遂可卸責耶秦承恩與肇王  
文雄柯藩俱著傳旨嚴行申飭所有打仗陣亡之  
武生劉全龍著咨部加等議卹至高均德一股前  
與李全張添德合夥後竄入老林藏匿勢已窮蹙  
宜綿等自當乘賊首竄聚一處之時一面扼要堵



截一面入山搜捕德楞泰等所帶吉林黑龍江勁  
旅俱係生長山野陟險上樹是其所長賊匪藏匿  
深林何難深入窮追况李全阮正通俱已折竄入  
川則高均德賊勢更孤宜綿德楞泰等併力剿此  
敗竄之賊豈尙不能擒獲何以又任其竄入陝省  
腹地至川省賊首王三槐等欲與羅其清合夥經  
官兵分路截回賊衆仍向渠縣營山等處分竄勒

保現同富成等督兵進剿並預派富爾賽等帶兵  
攔截正可併力奮擊兩面兜擒貴州頭二三起官  
兵勒保已飭令領兵將弁卽由廣安前赴渠縣一  
路協剿其後起官兵諒亦接續可到勒保等尤當  
乘此新兵銳氣鼓勇直前將賊首悉數殲擒剿盡  
餘匪所有打仗陣亡之叅將王溶那爾泰守備田  
啟華典史楊炳文俱著咨部加等議卹其冉文儔

一股屯踞李華寺後山梁與羅其清互爲狼狽恒  
瑞等已在孫家梁相機進剿惠齡亦帶兵前赴該  
處正可協力進攻若冉文儔又復分竄他處惠齡  
卽當躡蹤追擊至李全阮正通竄入川省南江地  
方勒保應卽派將領帶兵前往截擊並飭地方官  
一體堵剿毋任又與冉文儔等合夥再富成現在  
剿辦王三槐等大夥賊匪難以分身勒保已派德

齡馳赴老木園督剿著傳諭該鎮務須親身督率  
奮力進剿速將陳崇德擒獲不可又如觀成劉君  
輔之遷延貽悞又據秦承恩奏陝省賊匪漸近盩  
厓一帶王文雄斷難分身自係實在情形而興肇  
額勒登保業已自陝馳赴楚省景安一路添此二  
人帶兵而所調湖南兵計期亦可趕到自足敷剿  
捕之用景安務須與興肇額勒登保等鼓勇進剿

將賊首劉成棟張漢潮等速行擒獲或仍竄回川  
境額勒登保仍應迅速帶兵赴川協剿也